



Mostarci pali u akciji "Bato"

U prtljažniku vozili torbe sa 40 kg droge

Pripadnici SIPA u prtljažniku mercedesa našli dvije crne torbe sa 44 vrećice droge, a privremeno su oduzeta i tri mobilna telefona

Ljiljana RADIĆ
Ljiljanar@nezavisne.com

MOSTAR - G.K. (59) i A.M. (40) iz Mostara uhapšeni su u okviru akcije "Bato" nakon što su kod njih u automobilu, u mjestu Potok, pronađene 44 vrećice sa oko 40 kilograma droge, potvrđeno je "Nezavisnim".

Njih su uhapsili policijski službenici Državne agencije za istrage i zaštitu (SIPA) u saradnji sa Obavještajno-bezbjednosnom agencijom BiH.

Kako je potvrđeno iz SIPA, ne navodeći detalje akcije, policijski službenici SIPA uhapsili su dvije osobe na području Mostara, postupajući po naredbi Kantonalnog tužilaštva Hercegovačko-neretvanskog kantona i Kantonalnog suda u Mostaru.

Uhapšeni su osumnjičeni da su počinili krivično djelo neovlaštena proizvodnja i stavljanje u

promet opojnih droga.

"Tokom akcije pretreseno je terensko motorno vozilo, prilikom čega su otkrivene i privremeno oduzete 44 vrećice ukupne težine oko 40 kilograma, u kojima se nalazila nepoznata materija koja svojim izgledom i strukturom asocira na opojnu drogu kanabis sa-

tiva", rekao je Luka Miladinović, portparol SIPA. Prema njegovim riječima, pored droge, privremeno su oduzeta i tri mobilna telefona.

VOZILO PRESRELI U MJESTU POTOK

Kako "Nezavisne" saznaju, u pitanju je mercedes ML, koji su presreli pripadnici SIPA na pomenutoj lokaciji, po prethodno prikupljenim saznanjima da se u automobilu prevoze narkotici i to u većoj količini.

Kada su otvorili prtljažnik mercedesa, našli su dvije crne torbe u kojima su bili uređno upakovani paketi droge.

Pronađenu drogu pripadnici SIPA odmah su zaplijenili, a G.K. (59) i A.M. (40) su uhapšeni.

"Nakon kriminalističke obrade u prostorijama SIPA, uhapšene osobe biće predate u dalju nadležnost Kantonalnog tužilaštva Hercegovačko-neretvanskog kantona", rekao je juče Miladinović.

Akcija kodnog naziva "Bato" usmjerena je protiv neovlaštene proizvodnje i stavljanja u promet opojnih droga.



NAKON KRIMINALISTIČKE OBRADU U PROSTORIJAMA SIPA UHAŠENI ĆE BITI PREDATI U DALJU NADLEŽNOST KANTONALNOG TUŽILAŠTVA HNK